



VENERABILIBVS FRATRIBVS
 Archiepiscopis, Episcopis, & alijs Eccle-
 siasticis viris, Comitij generali-
 bus Cleri Gallicani Parisijs
 congregatis.



VENERABILES, FRATRES,
 & dilecti Filij, Salutem, & Apostolicam
 benedictionem. Paternæ charitati, quæ
 charissimum in Christo filium nostrum
 Ludovicum Regem Christianissimum,
 Ecclesias vestras, vos ipsos, & vniversum
 Regnum istud amplectimur, permolestum
 accidit, & planè acerbum cognoscere ex vestris Litteris die 3.
 Februarij ad Nos datis: Episcopos, Clerumque Gallix,
 (qui Corona olim, & gaudium erant Apostolicæ Sedis)
 ita se ergà illam in præsens gerere, vt cogamur multis cum la-
 chrymis vsurpare Propheticum illud: *Filij matris meæ pugna-*
verunt adversus me, quamquam adversus vos ipsos potius pu-
 gnetis: dum nobis in ea causa resistitis, in qua vestrarum
 Ecclesiarum salus, ac libertas agitur, & in qua Nos pro Juri-
 bus, & Dignitate Episcopali in isto Regno tuenda, ab ali-
 quibus Ordinis vestri pijs, & fortibus viris appellati, absque
 mora insurreximus, & iam pridem in gradu stamus, nullas
 privatas nostras passiones sequuti, sed debitæ Ecclesijs omni-
 bus solitudini, & intimo amorì erga vos nostro satisfacere uri.
 Nihil sanè lætum, & vestris nominibus dignum, eas litteras
 continere in ipso earum limine intelleximus. Nam præter ea,
 quæ de norma in Comitij convocandis, peragendisque ser-
 vata afferebantur, animadvertimus eas oriri à metu vestro,
 quo suasore nunquam Sacerdotes Dei esse solent in ardua, &
 excelsa, pro Religione, & Ecclesiastica libertate, vel ag-
 grediendo fortes, vel perficiendo constantes, quem quidem
 metum falsò iudicavistis posse vos in sinum nostrum effundere.

A

In

In sinu autem nostro hospitari perpetuò debet charitas Christi, quæ foras mittit, & longè arcet à se timorem. Qua charitate erga vos, Regnumque Galliarum paternum cor nostrum flagrare, multis iam, ac magnis experimentis cognosci potuit, quæ hic referre non est necesse. Si quid est autem, in quo benemerita de vobis sit charitas nostra, esse in primis putamus hoc ipsum Regaliæ negotium: ex quo si serio res perpendatur omnis Ordinis vestri Dignitas, atque autoritas pendet. Timuistis ergo ubi non erat timor. Id vnum timendum vobis erat, ne apud Deum, hominesque redargui iure possetis, loco, atque honori vestro, & Pastoralis officij debito defuisse. Memoria vobis repetenda erant, quæ antiqui illi Sanctissimi Præsules, quos quamplurimi postea qualibet ætate sunt imitati, Episcopalis constantiæ, & fortitudinis exempla, in huiusmodi casibus ad vestram eruditionem ediderunt. Intuendæ imagines Prædecessorum vestrorum, non solum qui Patrum, sed qui nostra quoque memoria floruerunt. Et qui Ivonis Carnotensis dicta laudatis, debuistis facta etiam, cum res posceret imitari. Nostis, quæ is fecerit, passusque sit in turbulenta illa, & periculosa contentione inter Urbanum Pontificem, & Philippum Regem, muneris sui esse arbitratus contra indignationem stare, bonis spoliari, carceres, & exilia perferre, deferentibus alijs causam meliorem. Officij vestri erat Sedis Apostolicæ authoritati studia vestra adiungere, & Pastorali pectore, humilitate Sacerdotali causam Ecclesiarum vestrarum apud Regem agere, eius conscientiam de tota re instruendo, etiam cum periculo regum in vos animum irritandi: ut possetis in posternum sine rubore in quotidiana Psalmodia Deum alloquentes Davidica verba proferre, *Loquebar de testimonijs tuis in conspectu Regum, & non confundebamur*. Quanto magis id vobis faciendum fuit, tam perspecta, atque explorata optimi Principis iustitia, & pietate, quem singulari benignitate Episcopos audire, Ecclesijs favere, & Episcopalem potestatem intemeratam velle, vos ipsi scribitis, & nos magna cum voluptate legimus in vestris litteris? Non dubitamus, si stetissetis ante Regem pro causâ tam iustæ defensione, neque de futura vobis verba quæ loqueremini, neque Regi cor docile, quo vestris annueret postulatis. Nunc cum muneris vestri, & Regiæ æqui-

æquitatis quodammodò oblitì in tanti momenti negotio silentium tenueritis: non videmus, quo probabili fundamento significetis, vos ad ita agendum adductos, quod in controuersia victi sitis, quod causa cecideritis. Quomodo victus est qui non pugnavit, quomodo cecidit qui non stetit? Et quis vestrum tam grauem, tam iustam causam, tam sacrosanc̃tam orauit apud Regem? Cum tamen Prædecessores vestri eam in simili periculo constitutam non semel apud superiores Gallix Reges, imò apud hunc ipsum libera voce defenderint, victoresque à Regio conspectu discesserint, relatis etiam ab æquissimo Rege præmijs Pastoralis Officij strenuè impleti. Quis vestrum in Arenam descendit, vt opponeret murum pro Domo Israel? Quis ausus est inuidiæ se offerre? Quis vel vocem vnā emisit memorem pristinæ libertatis? Clamarunt interim, sicuti scribitis, & quidem in mala causa pro regio iure. Clamarunt Regis administri, cum vos in optima pro Christi honore sileretis. Neque illa solidiora, quod reddituri nobis rationem, seu verius excusationem allaturi rerum in huiusmodi Comitijs per vos actarum exaggeratis periculum, ne Sacerdotium, & Imperium inter se collidantur, & mala, quæ exindè in Ecclesiam, & in Rempublicam consequi possent. Proindè existimatis vos ad officium vestrum pertinere aliquam inire rationem tollendi de medio gliscentis dissidij, nullam vero commodiorem apparuisse, remedio ab Ecclesiæ Patribus indicato, vtili condescensione Canones temperandi pro temporum necessitate, vbi neque fidei veritas, neque morum honestas periclitentur. Deberi ab Ordine vestro, deberi à Gallicana, immò ab vniuersa Ecclesia, plurimum Regi tam præclarè de Catholica Religione merito, & in dies magis mereri cupienti. Propterea vos iure vestro decedentes, illud in Regem contulisse. Omittimus hic commemorare quæ significatis de appellato à vobis sæculari magistratu, à quo victi discesseritis, cupimus enim eius facti memoriam aboleri, & volumus ea vos verba e litteris vestris expungere, ne in actis Cleri Gallicani resideant, ad dedecus vestri nominis sempiternum. Quæ de Innocentio III. Benedicto XII. Bonifacio VIII. in vestram defensionem adducitis, non deficere, qui doctis lucubrationibus offenderint, quam

frivola, atque extranea sint huic causæ: magis notum est, quam ut opus sit commemorare quo zelo; qua constantia; eximij illi Pontifices Ecclesiæ libertatem defenderint adversus sæculares potestates. Tantum adest, ut eorum exempla possit errori vestro suffragari. Cœterum ultro admittimus, & laudamus consilium relaxandi Canonum disciplinam pro temporum necessitate: ubi fieri id possit sine fidei, & morum dispendio. Immo addimus cum Augustino toleranda aliquando pro bono unitatis, quæ pro bono æquitatis odio habenda sunt, neque eradicanda zizania, ubi periculum sit, ne simul triticum etiam eradicetur. Id ita tamen accipi oportet, ut in aliquo tantum peculiari casu, & ad tempus; & ubi necessitas urget, licitum sit, sicuti factum est ab Ecclesia cum Arianos, & Donatistas Episcopos, eiurato errore suis Ecclesijs restituit, ut populos, qui secuti eos fuerant, in officio contineret. Aliud est ubi disciplina Ecclesiæ per univrsum amplissimi Regni ambitum, sine temporis termino, & cum manifesto periculo, ne exemplum latius manet, labefactatur: imò evertitur ipsius disciplinæ; & Hierarchiæ Ecclesiasticæ fundamentum, sicuti evenire necesse esset, si quæ à Rege Christianissimo in negotio Regaliæ nuper acta sunt, conniventibus, imò etiam consentientibus, nobis contra sacrorum Canonum, & præsertim generalis Concilij Lugdunensis auctoritatem, contra notam iam pridem vobis in ea re mentem nostram, & contra ipsam iuris iurandi religionem, qua vos Deo, Romanæ, vestrisque Ecclesijs obligastis cum Episcopali caractere imbueremini, hæc sancta Sedes executioni mandari, & malum invalescere diutius differendo permitteret, ac non ea Nos pro tradita divinitus humilitati nostræ supremæ in univrsam Ecclesiam potestati solemniter more Prædecessorum nostrorum vestigijs in hærentes improbaremus, cum præsertim per abusum Regaliæ non solum everti disciplinam Ecclesiæ res ipsa doceat; sed etiam fidei ipsius integritatem in discrimen vocari, facile intelligatur ex ipsis Regionum decretorum verbis, quæ ius conferendi beneficia Regi vindicant, non tanquam profluens ex aliqua Ecclesiæ concessione, sed tanquam in ingenuum, & cœvum Regiæ Coronæ. Illam
verò

verò parte litterarum vestrarum non sine animi horrore legere potuimus, in qua dicitis, nos iure vestro decedentes, illud in Regem contulisse quasi Ecclesiarum, quæ curæ vestræ creditæ, fuere essetis arbitri, non custodes. Et quasi Ecclesiæ ipsæ, & spiritualia earum iura possent sub sæcularis potestatis iugum mitti ab Episcopis, qui se pro earum libertate in servitutem dare deberent. Vos sanè ipsi hanc veritatem agnoscitis, & confessi estis, dum alibi pronuntiastis, ius Regaliæ servitutem quamdam esse, quæ in eo præsertim, quod spectat beneficiorum collationem imponi non potest, nisi Ecclesia concedente, vel saltem consentiente. Quo iure vos ergò ius illud in Regem contulistis? Cùmque sacri Canones distrahi ventent iura Ecclesiarum, quomodo ea vos distrahere in animum induxistis, quasi eorumdem Canonum auctoritati derogare liceat vobis? Revocate in memoriam, quæ inclitus ille contreraneus vester Clarevallensis Abbas, non Gallicanæ modo, sed etiam vniuersalis Ecclesiæ lumen à vobis meritò nuncupatus, Eugenium Pontificem officij sui admonens, reliquit scripta præclarè, meminisset se esse cui claves traditæ, cui oves creditæ sunt, esse quidem, & alios Cœli Janitores, & Gregum Pastores; sed cùm habeant illi assignatos greges singuli singulos, ipsi vniuersos creditos, vni vnum. Nec modo ovium, sed & Pastorum Eugenium esse Pastorem. Ideoque iuxta Canonum statuta alios Episcopos vocatos fuisse in partem sollicitudinis, ipsum in plenitudinem potestatis. Ex quibus verbis, quantum vos admoneri par est de obsequio, & obedientia, quam debetis huic sanctæ Sedi, cui nos Deo autore (quamquam immeriti) præsidemus; tantundem Pastoralis nostra sollicitudo excitatur ad inchoandam tandem aliquando in hoc negotio, quam nimia fortasse longanimitas nostra, dum pœnitentiæ spatium damus, hætenus distulit Apostolici muneris executionē. Quamobrè per præsentis litteras tradita à nobis ab omnipotenti Deo autoritate improbamus, rescindimus, & cassamus, quæ in istis vestris Comitij acta sunt in negotio Regaliæ cum omnibus indè secutis, & quæ in posterum attentari contingat, eaque perpetuò irrita, & inania declaramus, quamvis cum sint per se manifestè nulla cassatione, aut declaratio-

tione huiusmodi non egerent. Speramus tamen vos quoque ipsos, re melius cōsiderata celeri retractione cōsulturos conscientiar vestrar, & Cleri Gallicani existimationi. Ex quo Clero sicuti hūc vsque non defuere, ita in posterum non defuturos confidimus, qui boni Pastoris exemplo, libenter animam ponere parati sint pro ovibus suis, & pro testamento Patrum suorum. Nos quidem pro officij nostri debito parati sumus Dei adiutrice gratia, sacrificare sacrificium iustitiar, & Ecclesiæ Dei iura, ac libertatem, & huius sanctæ Sedis auctoritatem, dignitatemque defendere, nihil de nobis, sed omnia de eo præsumentes, qui nos confortat, & operatur in nobis, & qui iussit Petrum super aquas ad se venire: præterit enim figura huius mundi, & dies Domini appropinquat. Sic ergo agamus venerabiles ac dilecti filij, ut cum summus Pater familias, & Princeps Pastorum rationem ponere voluerit cum servis suis, sanguinem perfundatæ, laceratæ Ecclesiæ, quam suo acquisivit de nostris manibus non requirat. Vobis interim omnibus Apostolicam Benedictionem, cui coelestem accedere optamus intimo paterni amoris affectu impertimur. Datum Romæ apud Sancti. Petrum sub annulo Piscatoris die 11. Aprilis 1682. Pontificatus nostri anno sexto. Marius Spinula.

7

PROTESTATIO CLERI GALLICANI

Reverendissimo D. Abbati Lauro Sedis

Apostolicæ Internuntio á D. Pro-

motore eiusdem Cleri pu-

blicè intimata.

Ecclēsia Gallicana suis legibus proprias consuetudines inviolatè custodit, quibus maiores nostri Gallicani Præsules nulla definitione, nullaque auctoritate derogatum esse voluerunt, & quas ipsi Summi Pontifices agnoscere, & laudare vltro dignati sunt; propè tamen est, vt perfringantur leges istæ, quas prisca Galliarum Religio, ac Reverenda vetustas inconcussas fecere. Ecce etenim, quo sine acerbissimo animi sensu dici non potest, hisce annis superioribus per Provincias, & Civitates Galliarum litteræ Apostolicæ disseminatæ sunt, quibus antiqua Gallicanæ Ecclesiæ iura, & Patriæ instituta apertè violantur, ex his scilicet intelligimus de Regni Ecclesiarumque nostrarum negotijs contra mores nostros usurpatam esse cognitionem, inauditis partibus pronunciata iudicia, iurisdictionem Episcoporum conculcatam, deniquè contra Canonem Ecclesiasticum, & contra consuetudinem Illustrissimo Gallicanæ Ecclesiæ Metropolitæ gladium excommunicationis intentatum esse. Dolet Clerus Gallicanus, queriturque ex his, & alijs, quæ exindè facta sunt: oppressas libertates Ecclesiarum: perturbatam Ecclesiæ formam: illatum dedecus Pontificali ordini, terminosque perruptos, quos Patres nostri constituerunt, & ne officium, & causam suam deferere, aut præiudicare suæ Dignitati, Ecclesiarumque suarum commodis videatur publica contestatione obloqui contra, & inerti silentij culpam à se remove decreuit, vt exemplo Patrum suorum in posterum prouisum sit, ne quis nocere possit iuribus, & libertatibus Ecclesiæ Gallicanæ, eoque magis inclinatur in eam sententiam quod Summus Pontifex Innocentius XI. morum antiquorum, & canonicæ disciplinæ severus actor non patietur iniuriam decretis suorum prædecessorum, & Canonibus provulgatis, qui rescindebant, quid.

quid actum contra priuata Prouinciarum iura, nolebant siquidem Ecclesiarum Priuilegia; quæ semper seruanda sunt, confundi.

Propterea Clerus idem Gallicanus Professus antea omnem reverentiam, & obedientiam, quam semper exhibuit, perpetuòque exhibiturus est, Cathedræ D. Petri in qua potentior agnoscit Principatum, Clarissimo D. Joanni Baptistæ Lauro Prothonotario Apostolico, & Nuntiaturæ Apostolicæ Galliarum Auditori protestari constituit, sicuti de facto protestatur per præsentēs. Ne litteris Pontificijs datis ad Episcopum Appamiensem 2. Octobris 1680. ad Ecclesiæ Pamiers Capitulum eadem die 2. Octobris ad Archiepiscopum Tholosanum prima Ianuarij 1681. ad Moniales, seu Canonistas Regulares B. M. V. Monasterij de Charone 7. Augusti, & 15. Octobris 1680. vel alijs, &c. & illarum virtute actis, & secutis quibuscumque damnum aliquod, seu præiudicium iuribus Ecclesiæ Gallicanæ fieri possit, neue eius in alijs locis, & temporibus hoc in exemplum, & auctoritatem trahat, vt antiquos Ecclesiæ Canones auitas Regni consuetudines, receptosque mores Ecclesiæ Gallicanæ oppugnare audeat, aut propterea quicquam contra sibi licere existimet, imo verò nemo nesciat hoc nihil ob stare quominus Canones, consuetudines, iura, & libertates eiusdem Ecclesiæ pristinam vim, & integram auctoritatem retineant, & custodiant. Hoc Clerus Gallicanus sibi, suisque priuilegijs cautum volens omnibus notum esse vult, ne quis ignorantia causam prætextet.

Datum in Comitijs generalibus Cleri Gallicani Lutetiæ habitis anno Domini 1682. die verò 6. mensis Maij.